

300 Peserta Jayakan "Beach Clean Up" Di Pantai ODEC, UMS

Terakhir dikemaskini: Jumaat, 20 Julai 2018 15:56 | [Cetak](#) | Jumlah paparan: 397

[Kongsi 0](#)[Syorkan 0](#)[Kongsi](#)[Tweet](#)[Share](#)

JUMAAT, 20 JULAI – Kira-kira 300 orang peserta turun padang bagi menjayakan program Gotong Royong Pembersihan Pantai UMS "Beach Clean Up" di Pantai ODEC UMS, kelmarin.

Program anjuran Institut Penyelidikan Marin Borneo (IPMB), Universiti

Malaysia Sabah (UMS) melibatkan kakitangan dan pelajar UMS, selain turut disertai beberapa orang peserta luar.

Menurut Penyelaras Program, Prof. Madya Dr. Abentin Estim, acara pembersihan pantai UMS yang bermula pada jam 4.00 petang itu merupakan pembuka tirai kepada beberapa aktiviti dalam program *Marine Biodiversity Awareness Week 2018* anjuran IPMB yang akan berlangsung pada 23 hingga 28 Julai akan datang.

"Acara sebegini dapat menyatupadukan warga UMS khasnya pelajar UMS bersama kakitangan UMS sekali gus mewujudkan ikatan silaturahim yang erat serta menyumbang kepada suasana persekitaran yang bersih dan nyaman," katanya.

Hadir sama Naib Canselor UMS, Prof. Datuk Dr. D Kamarudin D Mudin; Pendaftar UMS, No'man Ahmad; dan Pengarah IPMB, Prof. Dr. Rossita Shapawi.